

**DRUŠTVO ZA UNUTRAŠNJU I VANJSKU TRGOVINU
MON AMI d.o.o.**

**PRAVILA NAGRADNE IGRE
„AMI SHOPPING AVANTURA“**

1. OSNOVNE INFORMACIJE O ORGANIZATORU NAGRADNE IGRE

Organizator nagradne igre je MON AMI d.o.o. Sarajevo, sa sjedištem u Hotonj bb, 71320 Vogošća, ID broj: 420330597002.

2. NAZIV NAGRADNE IGRE

Naziv nagradne igre je „AMI SHOPPING AVANTURA“

3. TRAJANJE I SVRHA ORGANIZOVANJA NAGRADNE IGRE

- 1) Nagradna igra traje u periodu 27.01.2025.- 21.03.2025.g., a organizuje se u svrhu nagrađivanja kupaca za lojalnost i promociju MON AMI marketa u Zenici.
- 2) Nagradna igra organizuje se na teritoriji Federacije Bosne i Hercegovine.
- 3) Organizator će prije početka nagradne igre, objaviti Pravila nagradne igre u jednim dnevnim novinama dostupnim na teritoriji Federacije Bosne i Hercegovine, i navesti broj i datum Rješenja Federalnog ministarstva finansija, kojim je data saglasnost na ova Pravila.
- 4) Organizator će obezbijediti sve preduslove tokom trajanja ove nagradne igre, kojima će u najvećoj mogućoj mjeri omogućiti obavezno izvlačenje dobitnika svih nagrada i podjelu cjelokupnog nagradnog fonda.
- 5) Organizator će nagradnu igru provesti pod uslovima, koji su u skladu i sa drugim zakonskim i podzakonskim propisima i opštim moralnim načelima.
- 6) Za vrijeme trajanja nagradne igre, pravila su dostupna na:www.ami.ba

4. USLOVI UČESTOVANJA U NAGRADNOJ IGRI

- 1) Pravo učešća u nagradnoj igri imaju kupci sa prijavljenim prebivalištem u BiH koji posjeduju HIFA-PETROL karticu lojanosti „PREMIUM CARD“, te za vrijeme trajanja nagradne igre obave kupovinu u iznosu od 50,00 KM i više na jednom računu u prodajnom objektu MON AMI Zenica 1.
- 2) Ukoliko kupac ne posjeduje „Premium Card“ istu može izvaditi na prodajnim mjestu Hifa Petrol pumpi ili MoN Ami Zenica1.
- 3) Jedan kupac učesnik u nagradnoj igri može više puta biti izvučen sa različitim računima.
- 4) U nagradnoj igri ne mogu učestvovati osobe zaposlene u kompanijama MON AMI d.o.o. kao i najbliži članovi njihovih porodica.
- 5) Učestvovanjem u nagradnoj igri učesnici prihvataju ova Pravila nagradne igre.

5. NAČIN IZVLAČENJA DOBITNIKA NAGRADA

- 1) Izvlačenje dobitnika nagrada će se održati u sjedištu poslovnice Mon Ami Zenica 1.
- 2) Za svaku nagradu izvlači se i po jedan zamjenski dobitnik, koji se smatra dobitnikom u slučaju da prvobitno izvučeni dobitnik ne ispunjava uslove za dodjelu nagrade ili u slučaju da prvobitnog dobitnika nije moguće obavijestiti o osvajanju nagrade u roku od 8 od dana izvlačenja dobitnika nagrada, jer je naveo nepostojeću ili pogrešnu adresu ili kontakt telefon.

3) Modalitet izvlačenja:

Izvlačenje dobitnika će se izvršiti putem aplikacije kroz kompjuterski softver slučajnim odabirom gdje će biti objedinjeni svi učesnici koji su učestvovali valjanim prijavama u periodu trajanja nagradne igre .

4) Termini izvlačenja:

1. krug - petak, 31.01.2025. u 14:00h

2. krug - petak, 07.02.2025. u 14:00h
3. krug - petak, 14.02.2025. u 14:00h
4. krug - petak, 21.02.2025. u 14:00h
5. krug - petak, 28.02.2025. u 14:00h
6. krug - petak, 07.03.2025. u 14:00h
7. krug - petak, 14.03.2025. u 14:00h
8. krug - petak, 21.03.2025. u 14:00h

6. SASTAV KOMISIJE ZA IZVLAČENJA NAGRADA

- 1) Organizator će imenovati tročlanu komisiju koja će nadgledati regularnost javnog izvlačenja dobitnika.
- 2) O toku izvlačenja Komisija će voditi zapisnik koji će minimalno sadržavati:
 - a) mjesto, vrijeme i način izvlačenja
 - b) broj i datum Rješenja Federalnog ministarstva finansija,
 - c) datum i naziv medija u kojem su pravila nagradne igre objavljena,
 - d) imena i prezimena članova komisije,
 - e) imena, prezimena i adrese dobitnika
 - f) naziv i vrijednost nagrade pojedinog dobitnika.

7. NAGRADNI FOND

- 1) Nagradni fond se sastoji od 80 nagrada, čija ukupna vrijednost iznosi 10.400,00 KM sa uračunatim PDV-om.
- 2) Pojedinačna tržišna vrijednost nagrada iznosi:

NAZIV NAGRADE	POJEDINAČNI IZNOS NAGRADNE KUPOVINE	KOLIČINA NAGRADA/KC	UKUPNI IZNOS NAGRADA SA URAČUNATIM PDV-OM
Poklon kupovina u marketu MON AMI - ZENICA	300,00 KM	8	2.400,00 KM
Poklon kupovina u marketu MON AMI - ZENICA	200,00 KM	8	1.600,00 KM
Poklon kupovina u marketu MON AMI - ZENICA	100,00 KM	64	6.400,00 KM
GRAND TOTAL		80	10.400,00 KM

- 3) Nagradni fond se ne može zamijeniti za novac, Dobitnik nema pravo zahtijevati drugačiju nagradu ili nagradu čija vrijednost prelazi iznos naveden u ovom članu Pravila.
- 4) Nagrada će biti iskazana u obliku vaučera koji se samo može jednokratno koristiti u MON AMI Zenica1.

8. NAČIN OBAVJEŠTENJA I OBJAVLJIVANJA DOBITNIKA NAGRADA

- 1) Organizator će dobitnike nagrada kontaktirati telefonskim putem najkasnije u roku od 8 dana od dana izvlačenja kao i na plakatu koji će biti istaknut na prodajnom mjestu.
- 2) Rezultati nagradne igre i imena dobitnika će biti objavljeni na web stranici www.ami.ba u roku od 8 dana od nagradnog izvlačenja.
- 3) Ukoliko zbog okolnosti za koje nije kriv Organizator (dostavljeni pogrešni lični podaci od strane učesnika, učesnik se ne nalazi na navedenoj adresi, vanredne okolnosti i sl.), nije moguće obavijestiti dobitnike nagrada, Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.

9. MJESTO I ROK ZA PODIZANJE NAGRADA

- 1) Dobitnici su dužni preuzeti osvojene nagrade uz predočenje lične karte i Premium kartice najkasnije u roku

od 30 dana od dana prijema obavijesti o osvojenoj nagradi u objektu MON AMI Zenica 1. Ako dobitnik u navedenom roku ne preuzme osvojenu nagradu, gubi pravo na nagradu, a Organizator je dužan pozvati zamjenskog dobitnika.

- 2) Ukoliko je dobitnik maloljetnik, nagrada će biti uručena roditelju/staratelju s kojim maloljetnik živi, pri čemu je roditelj/staratelj dužan priložiti validnu dokumentaciju, odnosno dokument kojim dokazuje status roditelja/staratelja.
- 3) Prilikom preuzimanja nagrade dobitnik je obavezan potpisati izjavu o preuzimanju nagrade. Potpisivanjem izjave ili istekom roka za preuzimanje nagrade, prestaju sve obaveze i odgovornosti Organizatora prema dobitniku.
- 4) Organizator je odgovoran za pravovremeno i tačno informisanje učesnika u nagradnoj igri o njegovim pravima i obavezama kod preuzimanja nagrada.
- 5) Organizator ne preuzima nikakvu odgovornosti za bilo kakvu štetu koja bi eventualno nastala kao posljedica nakon preuzimanja ili korištenjem proizvoda iz nagradnog fonda.
- 6) Porez na dohodak na nagradu ostvarenu učešćem u nagradnoj igri, obračunat će se u skladu sa propisima o porezu na dohodak.
- 7) Prilikom preuzimanja nagrada, u slučaju da vrijednost nagrade podliježe obavezi plaćanja poreza, Dobitnik je dužan dostaviti Priređivaču potvrdu o plaćenom porezu što je preduslov za dobivanje nagrada, osim ako organizator preuzme obavezu plaćanja poreza na dohodak.
- 8) Ukoliko organizator izvrši plaćanje poreza umjesto Dobitnika, vrijednost nagrade će biti umanjena za taj iznos.

10. USLOVI POD KOJIMA SE NAGRADNA IGRA MOŽE PREKINUTI

- 1) Pravila nagradne igre ne mogu se mijenjati nakon što je nagradna igra počela, osim ukoliko za to postoje opravdani razlozi ili zbog nastupanja okolnosti više sile.
- 2) U slučaju prekida ili otkazivanja nagradne igre usljed nastupanja vanrednih okolnosti, organizator će o navedenom obavijestiti Federalno ministarstvo finansija.
- 3) Federalno ministarstvo finansija daje saglasnost na izmjenu pravila igre, prekid i otkazivanje nagradne igre, ukoliko su razlozi zbog kojih se traži dokazani od strane organizatora ili opštepoznati, a Organizator će učesnike o navedenom obavijestiti na isti način na koji su objavljena ranije odobrena pravila nagradne igre.
- 4) Ukoliko nagradni fond nakon završetka nagradne igre ne bude podjeljen učesnicima na način predviđen Pravilima ove nagradne igre (usljed isteka roka za podizanje nagrada, nepostojanje dovoljnog broja učesnika i sl.) ili zbog eventualnog prekida odnosno otkazivanja igre usljed dejstva okolnosti koje imaju karakter više sile, organizator će nagradni fond prodati, a sredstva ostvarena prodajom uplatiti ravnomjerno na račune humanitarnih organizacija navedenih u članu 17. stav (1) Zakona o igrama na sreću.

11. KORIŠTENJE LIČNIH PODATAKA

- 1) Učešćem u nagradnoj igri, učesnici potvrđuju prihvatanje ovih Pravila i daju saglasnost Organizatoru da prikuplja i obrađuje navedene lične podatke isključivo u svrhu provođenja ove nagradne igre te u skladu sa pravilnikom Premium card loyalty programa i na način kako je to opisano u ovim Pravilima. Prikupljeni lični podaci koriste se za samo evidenciju Organizatora.
- 2) Organizator je odgovoran za obradu podataka u skladu sa propisima o zaštiti ličnih podataka, i poduzeti će sve potrebne mjere da bi se osiguralo sigurno korištenje i obrada ličnih podataka učesnika u nagradnoj igri i u skladu sa važećim propisima, a učesnici imaju pravo da budu informisani o činjenici da se podaci prikupljaju i da budu upoznati sa podacima.
- 3) Učesnik u nagradnoj igri je odgovoran za davanje tačnih podataka Organizatoru, u cilju provođenja ove nagradne igre.
- 4) Učesnici prihvatanjem ovih Pravila daju svoju saglasnost da, ako postanu dobitnici nagrada, organizator može proslijediti njihove lične podatke trećim licima u svrhu provođenja ove nagradne igre i ostalih marketinških aktivnosti.
- 5) Svojim učešćem u nagradnoj igri učesnici su saglasni da, ako postanu dobitnikom nagrade, njihove lične podatke (ime i prezime) Organizator može objaviti i iskoristiti bez naknade u štampanom, zvučnom i slikovnom obliku te videozapisu. Učesnici nagradne igre svojim učešćem pristaju na prikupljanje, upotrebu i objavu njihovih ličnih podataka navedenih u korisničkom profilu u promotivne svrhe povezane s nagradnom igrom i proizvodima koji su uključeni u nagradnu igru.
- 6) Organizator će lične podatke učesnika čuvati onoliko vremena koliko je to potrebno za potpunu

realizaciju ove nagradne igre.

- 7) Učesnik može u bilo kojem trenutku povući svoju saglasnost za obradu ličnih podataka dopisom na adresu Organizatora, i prihvata da takvo povlačenje saglasnosti uzrokuje nemogućnost daljnjeg učešća u nagradnoj igri.

12. NADLEŽNOST SUDA

- 1) Sve žalbe, prigovore i reklamacije rješava Organizator nagradne igre. U slučaju opravdanih pritužbi, Organizator se obavezuje da će ih otkloniti u najkraćem mogućem roku i obavijestiti učesnika.
- 2) Svi eventualni sporovi između Organizatora i učesnika odnosno dobitnika rješavaće se sporazumno, a ako se u tome ne uspije, nadležan je Općinski sud u Sarajevu.

Vogošća, 27.12.2024. godine

Broj protokola: 81/2024.

DIREKTOR

NIRMELA NIZIĆ
